



# Vuk'uzenzele

O e tlisediwa ke Ditlhaeletsano tsa Puso (GCIS)

Setswana/English

Seetebosigo 2016 Kgatiso 1



**Dithuso tsa loago tsa puso di fetola matshelo**

*Tsebe 5*



**Dipolasa tsa KwaZondi di tshagediwa ka matlole**

*Tsebe 10*

**E na le Diphatlhatiro ka fa Gare**

## Go atolosa thulaganyo ya Aforika Borwa ya tlhokomelo ya boitekanelo

Amukelani Chauke

**J**aaka naga e tswelsetse go tsenya tirisong lenaane le le gologadi la kalafo ya HIV le AIDS, Tona ya Boitekanelo Ngaka Aaron Motsoaledi o itsisitse maano a magologadi a a ikaeletseng go tlhatlosa ntwaga khatlanong le HIV le AIDS.

Lenaane le le simolotsweng ka thankgololo ya letsholo le le gologadi mo lefatsheng la go dira diteko ka 2010 - le le neng le itsagale ka Letsholo la Thobomaikutlo le Diteko tsa HIV (HCT) - le le boneng dimilione di le 18 tsa maAforika Borwa ba dira diteko tsa HIV le AIDS mo pakeng ya dikgwedi di le 18.

Gompieno, 10 milione ya maAforika Borwa ba dirwa diteko ngwaga le ngwaga.

Tona Motsoaledi o dirile kitsiso ka kgwedi ya Lwetse monongwaga, ya go re balwetse ba HIV ba tla amogela Dianthiretrobaerale (di-ARV) go sa kgathalesege maemo a bona a palo ya CD4.

“Mo kgwedding ya Lwetse monongwaga, re tla tlosa palo ya CD4, e mo malobeng e neng e le yona e e dirisiwang go bona fa molwetse a tshwanetse go simolola ka kalafo ya ARV. Re tla simolola go dirisa dikaelo tse dintshwa tsa go dira diteko le dikalafo tse di tlhagisitsweng ke ba Mokgatlo wa Lefatshe wa Boitekanelo (WHO) ka Sedimonthole wa ngwaga o o fetileng.

“Fa godimo ga foo, re tla tlamela ka *Pre Exposure Prophylaxis* (PrEP) go badiri ba thobalano ba manaane a go thusa badiri ba thobalano ba le 10 mo nakong e e rileng go simolola ka Seetebosigo monongwaga, mme re tla simolola go ithuta go tswa mo diporojekeng tsa tshupetso gore ke mokgwa ofe o o ka dirisiwang go tlamela ka PrEP pele re ka simolola ka tsereganyo go thaka yotlhe e tshesane e e ka nnang mo kotsing ya go tshwaediwa,” o buile seno sešeng jaana fa a ne a neelana ka Puo ya gagwe e e ka ga Tekanyetsokabo ya lefapha kwa Palamenteng.

Tona o ne a bua gape a re mo kgwedding eno puso e tla thankgolola letsholo la dingwaga di le tharo le le ikaeletseng go fokotsa ditshwaetso tsa makgarebe le go tlhatlosa ditshono tsa ikonomi tse di ka ba sireletsang khatlanong le bo *sugar daddy*.

“Re tla thankgolola letsholo la dingwaga di le tharo le le lebagang le basetsana le makgarebe, ba ba mo setlhopheng sa dingwaga tse di magareng ga 15-24, le banna ba ba ba tshwaetsang le go ba imisa,” o rialo. Letsholo leno le tla lebagana le dikarolo di



Tona ya Boitekanelo Ngaka Aaron Motsoaledi o itsisitse maano a puso a go lwantsha HIV le AIDS.

le tlhano tse di botlhokwa.

- Go fokotsa go tshwaediwa ga basetsana le makgarebe
- Go fokotsa boimana ba thaka e tshesane
- Go fokotsa tirisodikgoka ya thobalano le e e totileng batho ba bong jo bo rileng
- Go tshola basetsana kwa sekolong go fitlha kwa mophatong wa materiki
- Go oketsa ditshono tsa ikonomi mo makgarebeng ka maikaelelo a go ba ntsha mo bo *sugar daddy*.

O rile seno se tsamaelana le maikaelelo a lefapha a go fitlhelela dipeelo tsa Leano la Tlhabololo la Bosetshaba (NDP) tsa go fokotsa boima jwa malwetse, gore batho ba kgone go tshela le go fitlhelela dingwaga di le 70 ka 2030 le go nna le kokomane e e tshelang e sena AIDS ya ba dingwaga tse di ka fa tlase ga di le 20.

“Letsholo leno le tshwanetse go akaretse puso yotlhe le setshaba mme le etelelwe pele ke bašwa,” o rialo.

Tona o rile letsholo le tla dirisa bokana ka R3 bilione mme le tla diragadiwa fa go ka bonwa dintlole go tswa go Leanotshoganyetso la Moporesitente tebang le Kimololo ya AIDS (PEPFAR), Global Fund, Setheo sa Tlhabololo sa Jeremane (GIZ) le mafapha a puso.

Dintsho tse di tlholwang ke AIDS mo Aforika Borwa di theogile go tswa go

320 000 ka 2010 go fitlha go 140 000 ka 2014, phetisetso ya HIV go tswa go mme go ya go ngwana e fokotsegile go tloga go bana ba le 70 000 ka 2004 go ya go palo e e ka fa tlase ga 7 000 ka 2015.

“Jaaka o bona, go na le dikatlego tse di gagamatsang. Fela o tla lemoga gore dikatlego tseeno bogolo ba tsona bo ikagileng ka ditserganyo tsa *Biomedical*.

“Fa go tla mo ditserganyong tsa matsholong a loago, foo ke ntwaga e e seng kana ka sepe – segolo bogolo mo basetsaneng le mo makgarebeng ba ba dingwaga di le 15-24. Mo setlhopheng sa batho ba dingwaga tseeno, go ditshwaetsego di le 5 000 ka beke mo dinageng di le 14 tse di kwa borweng le kwa botlhabeng jwa Aforika – fela halofo ya tsona di diragalela mo Aforika Borwa ka nosi,” Tona o buile jalo.

Tona o tshwaetse gape a re manaane a mantshwa a tla dira gore lefapha le dirise R1 bilione ya tlaleleto e e mo tekanyetsokabong ya monongwaga, eo ga jaana Lefapha la Dintlotlo a Bosetshaba o setse a a beetsa thoko le fa maemo a ikonomi a tlhobaetsa.

### BOLWETSE JWA LEHUBA BO TSWELTSE GO NNA MMOLAI YO MOGOLO

Le mororo go le jalo, Tona o rile le fa HIV le AIDS di tswelsetse go nna tlhobaboroko,

fela bolwetse jwa lehuba (TB) ke bolwetse jo bo bolayang batho. O rile lefa dintsho tse di tlholwang ke TB di fokotsegile go tloga go 70 000 ka 2009 go ya go palo e e ka fa tlase ga 40 000 ka 2014, e nna e ntsweletse go nna mmolai yo mogolo mo malwetse otlhe a a tshwaetsanang mo nageng ya rona le mo lefatsheng ka bophara.

“Go tloga motsi wa thankgololo ya letsholo la go itlholwa ka Letsatsi la Lefatshe la Bolwetse ba TB ka la 24 Mopitlwe 2015 Motlatsa Moporesidente Cyril Ramaphosa o buile a re, ke itumelela go dira kitsiso ya katlego ya rona ya go tlhatlhoa diketekete tsa batho ba ba mo lephateng le le ka iphitlhelang le tshwaetsegile la ditirelo tsa kgopololo, moepo le metse e leng gaufi le meepo.

“Monongwaga re lebile thata bommaselapalabagolo ba le robedi ka maikaelelo a go tlhatlhoa batho ba le 1,3 milione,” o rialo.

Tona o rile lefapha le tla amogela bokana ka R4,2 bilione e leng madi a ketleletso go tswa go Global Fund go tshegetsa tsibogelo ya puso ya HIV le TB.

### LENANEOTIRISO LE LE NTŠHWA LE LE KGONANG GO BONA FA GO LENG TLHAELO YA MELOMO

Tona o rile nngwe ya dikgwetlho tse dikgolo tse di leng teng ka bontsi tse di nnang morwalo mo nageng ya rona ke go fela ga melemo – selo seo se bediwa phelo ya melemo.

O rile ke lobakanyana lefapha le ntse le lwantshana le bothata jono.

Puso ga jaana e tsentse tirisong Thulaganyo ya go Bona fa Melemo e le Teng (SVS) mo ditlhiniking tsa motheo tsa tlhokomelo ya boitekanelo.

“Seno ke lenaneotiriso le le sutang le le dirisiwang ke badiredi ba boitekanelo go bala dibaakhouto tsa melemo le go tsenya palo ya maemo a di-ARV, melemo e e thibelang TB le meento.

“Tshedimosetso eno etla ka nako mme ke e e leng teng mo lefelong lefe kgotsa lefe ka tirisong ya webosaete,” o rialo.

Tona o rile diporofense di le thataro di setse di bona SVS e e fitlhelelang ke ditlhiniki di le 1 900 kgotsa 60% ya ditlhiniki tsa naga ya rona.

O rile maano a tswelsetse a a tla dirang gore 100% ya ditlhiniki tsothle tsa motheo tsa tlhokomelo ya boitekanelo di bege gonna teng ga melemo mo tikwatikweng ya bosetshaba ya melemo mo pakeng ya

**> E tswelela mo go tsebe 2**



## DIKGANG TSE DI AKARETSANG

# Government and citizens to interact more



Government has come up with creative ways to improve and ensure that there is constant communication with its citizens.

## Amukelani Chauke

South Africans will soon experience even better interaction with government.

The Government Communication and Information System (GCIS) will spend over R300 million on programmes that will improve communication between the state and citizens, said Communications Minister Faith Muthambi when she tabled the department's Budget Vote.

The National Development Plan emphasises the need to unite South Africans around a common goal – ensuring that citizens are active in their own development and build a capable and developmental state.

"This partnership is as a result of our community outreach programme in far flung areas of our country.

"To support these outcomes, the GCIS will continue to implement programmes aimed at facilitating two-way communication between government and its citizens," she said.

The Minister explained that the partnerships would enable citizens to access information about government policies, plans, programmes and activities to promote government accountability and ensure that citizens can actively participate

in government initiatives.

"In order to fulfil this responsibility, a budget of R382.1 million has been allocated to the GCIS," she added.

## GOVERNMENT THROWS ITS WEIGHT BEHIND COMMUNITY RADIO

The Minister said supporting community radio was a priority for government and urged the private sector to do the same.

"The Community Radio Support Strategy has been finalised and is being implemented. "I am pleased to inform the house that in the 2015/16 financial year the GCIS spent over R26 million on community radio advertising.

"During the 2016/17 financial year, five licensed community radio stations will be provided with broadcasting infrastructure," she said.

The Minister added that work was at an advanced stage as far as finalising the broadcasting policy review process was concerned.

She said some of the overarching and specific objectives of the review are to:

- Create a level playing field for emerging audio-visual media services.
- Protect and empower consumers (audiences), in particular to guarantee key societal values for the protection

of minors and human dignity and promote the rights of visually and or hearing impaired persons.

- Promote South African content to support social cohesion and nation building and safeguard media diversity, pluralism, freedom of expression and information.

"The department's community radio programme is working! The Greater Giyani Municipality partnered with the Giyani Community Radio Station and provided them with premises and advertising support to ensure the sustainability of the station.

"We call upon other municipalities to emulate this gesture, without compromising the editorial independence of the stations," she said.

The Minister added that the department would also continue to publish and distribute the fortnightly *Vuk'uzenzele* newspaper.

She said in the 2016/17 financial year, the department has allocated R25.8 million to produce and distribute 18.7 million copies per year in all 11 official languages.

"We will continue to encourage government departments to place recruitment advertisements in *Vuk'uzenzele*.

"I would like to thank departments that are using this platform to advertise their vacancies and I also encourage others to do so too," she said.

## > E tswelala go tswa mo go tsebe 1

dikgwedi di le tharo tse di latelang.

Lefapha le setse le tseentse tirisong boitshimololeli jo bo bediwang Lenaane la Bogareng la Neelo le Phatlalato ya Melemo ya Malwetse a a sa Foleng (CCMDD).

"Lenaane leno le dira gore go nne bonolo go balwetse ba maemo a bona a tlhomameng go tsaya melemo ya bona mo mafelong a a gaufi le magae kgotsa mafelo a bona a tiro mo go bonwang melemo – go boloka nako le tšhelete.

"E fokotsa gape le nako ya go ema kwa ditliling ka go fokotsa palo ya balwetse ba ba tshwanelang ke go etela tleniki," o rialo.

Tona Motsoaledi o rile ga jaana, e ka nna palo ya balwetse ba le kana ka 400 000 ba ba leng mo lenaaneng leno la go bona

melemo go tswa mo mafelong a a kana ka 1 000 a go tsaya melemo, go akarediwa le mekgatlho ya kobamelo, mafelo a go okelwang malwetse a mo tirong, dingaka tsa malwetse otlhe le dikhemese tsa poraefete.

O rile lefapha le na le leano la go fitlhelela balwetse ba le 800 000 kwa bofelong jwa ngwaga ono wa ditšhelete.

"Re tshwanetse gape le go bona fa melemo e dirisiwa sentle. Go fitlha ga jaana re na le Dikaedi tsa Kalafo tse di Tshwanang (di-STG).

"Ngwaga o o fetileng re thankgolotse Lenaneotiriso la go fetisa dikaelo tseno, go simolola mo mafelong a boitekanelo a di-STG.

"Lenaneotiriso leno ke la mahala mo mabenkeleng a a rekisang mananeotiriso e bile le dira ntle le inthanete go thusa

diporofesonale tse di leng mo mafelong a a kgakala a a nang le kgokaganyo e e bokoa ya inthanete kgotsa mafelo a a se nang kgokagano gotlhelele," o rialo.

O rile lenaneotiriso le thusa fa go tswa ditshwetso mo mafelong a boitekanelo. E bile le na le tiro ya go bega fa go le tlaelo ya melemo e e bothokwa. Ngaka efe kgotsa efe mo lefelong lefe kgotsa lefe la boitekanelo, fa a ntsha melemo e e bothokwa ya balwetse mme a bolelelwa fa e fedile, a ka tobetsa konopo e e tla begelang ba ba kwa Pretoria ka tlhamalalo.

"Ngaka ga ya tshwanela go goga bokete fa e le molaodi wa bookelo kgotsa tleiniki eo e ka bong e begile tlaelo ya melemo fa go ka bo go le taolo e e lolameng mo setheong seo.

"Lenaneotiriso le setse le tserwe mo onthaneteng makgetlho a le 15 000 mo Aforika Borwa," o rilalo.

## Look out for the new and improved Vuk'uzenzele

*Vuk'uzenzele* will be celebrating its 100th edition in the next edition on 15 June. So look out for a new fresh look of *Vuk'uzenzele* SOON!

#Vuk100

### Did You Know

- The newspaper is available in **Braille, Web & App**
- The 1st edition was published in: **October 2005**
- Number of copies produced: **153.75 million**
- Number of braille copies produced: **50651**
- Number of editions produced: **99**
- Publishing frequency: **Twice a month**
- Number of copies per edition: **850 000**
- Distribution: **All provinces**
- Number of households: **1 645 202**
- Reach: **5.1 million**
- Language: **All official languages**



JUNE EDITION TWO 2016



NEW LOOK

*Vuk'uzenzele* is also available in Braille and on: <http://www.vukuzenzele.gov.za>

Remember to follow us on:



Download App on:





# Masepala wa Toropokgolo ya Ekurhuleni o tlabolola matshelo

## Nonkululeko Mathebula

**T**oropokgolo ya Ekurhuleni e dirile go bonagala e bile e rebotse ditsholofetso tsa yona tse e di dirileng mo bathong. Seno se tlhageletse sentle mo Puong ya Maemo a Toropokgolo, foo go tlhama ditiro e nnileng setlapele sa lenaane le go neng go boiwa ka lona.

Meyara wa Ekurhuleni Mondli Gungubele o buile ka dikgwetlho tse ba lebaganeng le tsona go fitlha ga jaana le go mekamekana le ntlha e e ka ga botlhokatiro mo sedikeng sa gagwe, a netefatsa baagi gore puso e lwantshana le seno mme e bile e tlhola ditshono tsa ditiro.

“Mo matsapeng a rona a go tlhola ditiro le go isa tlase lehuma, re tlhamile ditshono tsa ditiro tse di seng ka fa tlase ga palo e e kana ka 200 000 mo pakeng ya dingwaga di le tlhano, ka thuso ya diporojeke tsa lephata la puso re tlhomile ditshono tsa ditiro di le kana ka 52 856 ka go dirisa Lenaane le le Atolositsweng la Ditiro tsa Setshaba (EPWP) le Manaane a Tiro ya Setshaba (CWP).”

O rile lephata la ikonomi le kgontsitse gore go nne le maemo a a tla tlholang ditiro tsa tlaletsetso di le kana ka 148 589 go ralala ikonomi ya sedika mo pakeng yona eo.

“Godimo ga foo, toropokgolo e thapile bašwa ba le 5 000 mo dikhampaning tse di farologaneng go dira mo konterakeng ya dingwaga di le pedi, e se fela go mekamekana le botlhokatiro mme e le go ba baya mo tikologong ya mafelo a bodirelo gore kamoso ba kgone go thapiwa.”

## GO GODISA IKONOMI YA KWA MAKEISENENG

Go tsamaelana le go tlhama ditshono ditiro kwa botlhaba jwa Johannesburg, Toropokgolo ya Ekurhuleni e tsosolosa ikonomi ya makaišene a yona go netefatsa fa kgwebo e tla atlega mo makeišeneng.

Go fitlhelela seno, go tlamilwe mafelo a mantšhwa a ikonomi mo makeišeneng, go akarediwa mafelo a a jaaka Etwatwa, Vosloorus, Duduza le KwaThema, a a tlanang a boleng jwa R90 milione ka ngwaga.

Diporojeke di le mmalwa tse di boleng jwa dimilone tsa diranta di setse di neetswe borraakontseraka mo sedikeng, ka ponelopelo ya go tlhama ditiro go batho ba ba agileng mo lefelong leo.

Palogotlhe ya dikgwebopotlana, dikgwebo tsa mo magareng le tse dikgolo di le 128, di amogetse madi a go godisa dikgwebo tsa bona a boleng jwa R6 milione.

Tseno ke dingwe tsa diporojeke tse di dirilweng ke toropokgolo go nna karolo ya R2.9 bilione tse di beetsweng Lenaane la Maatlafatso ya Setshaba la *Mintirho ya Vulavula*.

## DINTLO TSE DI NANG LE SERITI

Meyara Gungubele o tlhalositse botlhokwa jwa go netefatsa fa batho ba nna le dintlo tse di nang le seriti.

“Mo matsapeng a go tlamela dintlo tse di seriti mo bathong ba borona, dintlo di le 112 781 di agilwe gareng ga 1994 le 2006.



Meyara wa Ekurhuleni Mondli Gungubele mo ketelong ya gagwe ya sešweng ya kwa tleliniking e ntšhwa e e agilweng ya Villa Liza kwa Boksburg.

“Le fa go le jalo, dintlo di le 14 781 di agilwe gareng ga 2011 le 2016 le mo ngwageng ono wa ditšhelete, ka matlole a a tswang go Puso ya Porofense, re setse re agile dintlo di le 471 go tswa go palo ya di le 526 e re neng re e ikaelese go e fitlhelela.

“Mo godimo ga foo, re tlametse ditirelo go ditsha di le kana ka 124 758 mo pakeng yona

eo. Go neetswe ditlankana tsa netefaletso ya makwalo a bonno jwa mafelo a le 112 a bonno mo makeišeneng ga mmogo le go amogedišwa ga malapa a le 32 544 makwalo a bona a netefaletso ya makwalo a bonno,” o rialo Meyara Gungubele.

O tlaleditse ka gore kantoro ya gagwe e dira ka natla go fedisa mafelo a baipai le batho ba ba agileng ka fa morago ga dintlo tsa ba bangwe ka go tlamela ka dintlo tse di lekaneng.

## GO TLHATLOSA PHITLHELELO YA MOTLAKASE

Meyara Gungubele o nopotse gore toropokgolo e setse e tsentse motlakase mo dintlong tse di amogelang madi a keetletso tse di fetang 27 000. E bile e tsentse dipone tsa tlaletsetso tsa mo mebileng di le 6 972 go tloga motsi wa 2011.

E bile gape go R1.6 bilione e e beeleditsweng mo go ntšhafatseng le go baakanyeng mafaratlhatlha a motlakase a toropokgolo.

“Jaaka motlakase wa rona o tswelela go nna ka fa tlase ga kgatelelo, matsapa a rona a go tsibogela seno a akaretsa go tthagisa motlakase o o ntšhwafatsegang wa dimegawatt di le 300 ka 2020.

“Go fitlhelela seno, toropokgolo e simolotse ka Lenaane la Batlhagisi ba ba Ikemetseng ba Motlakase le le tla re kgontshang go bona maatla go tswa go metswedi e e farologaneng ya maatla a motlakase wa motheo o o ntšhwafatsegang,” O rialo Meyara Gungubele.

# Maano magolo a go godisa eThekwini

## Thandeka Ngobese

**M**aAforika Borwa a ja mofufutso wa phatlha ya puso ka dipeletso tse dikgolo tseo e di dirileng mo mafaratlhatlheng a a jaaka a dikolo tse dintšhwa, metsi, motlakase le diphatlhatiro gareng ga tse dingwe.

Go tlhama ditiro, tlabololo ya bokgoni, tlabololo ya ikonomi ya selegae le dintlo ke tsona ditlapele tsa lenaane la Mmasepala wa eThekwini, go rialo Meyara Mogolo James Nxumalo mo puong ya gagwe ya sešweng ya Maemo a Toropokgolo.

Meyara Nxumalo o rile tekanyetsokabo ya toropokgolo ya boleng jwa R41.6 bilione ya ngwaga wa ditšhelete wa 2016/17 e tla mekamekana le dikgwetlho tsa dithulaganyo tsa popegotheo, botlhokatiro, maatlafatso ya bokgoni le kgolo ya ikonomi.

“Karolo e kgolwane ya tekanyetsokabo e tla nna ya go tlabolola ikonomi ya selegae. Re beetsa thoko R28 milione go tlabolola lekeišene la Hammarsdale go le dira lefelo la go ngoka ikonomi” Meyara Nxumalo o tlaleditse jalo.

Makeišene a mangwe a a solofetsweng go tlabololwa a akaretsa:

- Isipingo – R17milione
- Lefelo la boeti la Umgababa – R32 milione
- Go tlabolola Lefelo la Umlazi – V Node – R20 milione
- Lefelo la Dikgwebopotlana, tsa mo Magareng le tse dikgolwane (di-SMME) la Umlazi – R13 milione
- Lefelo la Kgwebo la Mmasepala wa eMagabeni – R10 milione.

“Ka tekanyetsokabo eno, re rata go bona tswelletsapele e e bonagalang e e thusang ka go tlhama ditiro. Re rata go bona toropokgolo ya maemo a boditšhabatšhaba e e tla ngokang bajanala le go nna lefelo le le itumedisang le motho a ka agang mo go lona. Re rata go bona ikonomi e e maatla ya leruri e e tla bulang ditshono tsa ditiro tsa bašwa,” o rialo.

## GO TLHOLA DITIRO LE GO TLHABOLOLA BOKGONI

Toropokgolo e na le dikonteraka di le 943 tse di dirang ka go refosanya tsa go tsenya

dipeipi tse di dirang tiro e e malebana le ditirelo tse di amanang le metsi.

“Ga jaana re lebeletse go thapa badiri ba tlaletsetso ba dipeipi go tokafatsa nako ya rona ya go wetsa tiro. Go batlhokamedi ba le 1 250 ba ba dirang ka ditlabakelo tsa dintlwanaboithusetso, le palo ya tlaletsetso ya ba le 50 ba ba tla thapiwang monongwaga go weditswe dikago di le dintsi tsa dintlwanaboithusetso.

“Go na gape le dikonteraka di le 366 tse di tswang mo motseng, tse di thapileng batho ba le 1 770 mo ditirelong tsa go rwala leswe. Lenaane la Phediso ya Tlala la Zibambe le tlhodile ditiro tse di fetang palo e kana ka 6 200.” Meyara o tlaleditse jalo.

## POROJEKE YA TSWELETSOPELE YA BADIRAKADIATLA

Toropokgolo e tla katisa badirakadiatla ba le 10 000 mo pakeng ya dingwaga di le tharo. Meyara Nxumalo o rile porojeke e tla bona matlole go tswa mo tekanyetsokabong ya matlole a dithulaganyo tsa dipaakanyo.

“Metsi, leswe le le komota le boenjeneri di setse di bone R11 milione e e tla dirisetswang lenaane leno mo pakeng ya ngwaga o o latelang wa ditšhelete. Maikaelelo ke go bona badirakadiatla ba tokafatsa maemo a paakanyo ya mmasepala.

Meyara o ikuetse mo diyuniting tsotlhe tse di nang le manaane a dipaakanyo go nna le seabe mo porojekeng. Pororojeke eno e tla diragadiwa mo dingwageng di le tharo mme ditshenyegelo di tla arolwa ka tsela e e latelang: R223 milione mo ngwageng wa ntlha, R260 milione mo ngwageng wa bodedi mme R260 milione e tla dirisiwa mo ngwageng wa boraro.

## TSWELETSOPELE YA BAŠWA

Toropokgolo e neetse R77.53 milione go tswelletsapele bašwa mo ngwageng ono wa ditšhelete mo dintlheng tse di totileng go tswelletsapele bašwa go ralala le mmasepala.

“Nako nngwe ke ka ntlha ya tlhokego ya bokgoni, fa mo go enngwe e le ka ntlha ya go tlamela ka bokgoni ka karetsa.

“Matsapa ano a akaretsa Dithuso tsa Matlole a Kimololo ya Baithuti mmogo le Dibasari tsa Meyara wa eThekwini, baithuti ba ba ithutang

tiro kgotsa baitlhatla mo tirong; manaane a bokgoni le boruni ba bokgoni ba setshaba ka kakaretso; tswelletsapele ya dithutego le tshagetso; katiso ya dialogane; baithuti, tshetsetso ya lephata le manaane mangwe.”

Palo e kana ka 2 968 ya bašwa ba solofetswe go ka tswelwa mosola ke matsapa ano.

“Mo ngwageng o o fetile re thankgolotse Kantoro ya Bašwa e e tla tlhokomelang dintlha tse di ka ga bašwa. Kantoro ya Bašwa e na le tekanyetsokabo ya R9.9 milione. Madi ano a tla dirisetswa gareng ga tse dingwe, Manaane a Tswelletsapele ya Bašwa, Samiti ya Bašwa ba ba mo Kgwebong, Keteko ya Kgwebo ya Bašwa ba Aforika le Thapelo ya Bosigo jotlehe ya Baithuti ba Materiki,” o rialo.

## GO FEDISA LEHUMA

Palo ya batswelwamosola ba porojeke ya lefelo le le apayang dijo tsa bao ba humanegileng e tlatlogile mme toropokgolo e okeditse porojeke go fitlhelela palo ya batho botlhe ba ba e tlhokang.

“Ga jaana re na le mafelo a le 36 a a apayang dijo, mme mo ngwageng ono wa ditšhelete, mafelo ano a tla okediwa go nna a le 54. Mafelo ano a na le baithaopi ba le 353 – palo e no e dira ke bakgweetsi ba le 36 le baithaopi ba le 317.”

Meyara o rile palo eno e tla tlatlogela go 486.

## TLHABOLOLO YA METSESELEGAE LE TLHAGISO E E SA TLHAELENG YA DIJO

Palogotlhe ya tekanyetsokabo ya temothuo ya toropokgolo ke R27.8 milione. E na le ditshingwana tsa baagi di le 85 tse di tshagediwa ke menontsha ya manyora, mmutele, go tsenya legora, diduti tsa bobolokelo, dintlwanaboithusetso le mafaratlhatlha a metsi.

“Ditshingwana tsotlhe tsa baagi di tshagediwa ka dithuluso. Go latela ditlamelo tsa Diphaka tsa Temo, go neetswe R5 milione go tlhama maano mme matlole a tlaletsetso a tla tthagisiwa fela fa tshakatshako e weditswe,” Meyara o tlaleditse jalo.

## GO TLHOLA TIKOLOGO YA BONNO E E NANG LE BOLENG


Toropokgolo e neetse R3.4 bilione go

diporojeke tsa dintlo go netefatsa fa baagi ba fitlhelela dintlo tse di boleng le mafaratlhatlha a a nang le seriti.

Go tlamela ka dintlo, ditirelo tsa motheo le tsa loago go tsamaelana le go tlhola bodulo jwa leruri jwa batho,” o rialo.



Makgolokgolo a batho a tswetswe mosola ke matsapa a a dirilweng ke Mmasepala wa eThekwini ka go tlamela ka lefelo la go apaya dijo tsa bao ba humanegileng.



Porojeke ya Dintlo ya Cornubia e tlamela dintlo tse di tlhokang ke baagi ba KwaZulu-Natal ka bontsi.